

**From**  
Synod Literature & Publication Board  
Synod Office  
Aizawl – 796 001, Mizoram  
Phone : 0389-2324590

## LÂWRKHAWM

### MISSIONARY RETREAT

Ni 24–26.3.2023 chhûng khân Lunglei Chanmari-ah Home Mission South Missionary Retreat buatsaih a ni a; Rev. R. Lalhmingsânga, SMB Secretary chu Speaker a ni.

### KOHRAN HMEICHHIAIN TĀNPUI

Ni 7.3.2023 (Thawhlehi) khân Central Kohhran Hmeichhe hruaitute chuan Synod Hospital (Durtlâng) Charity Fund atân ₹7,85,210/- leh John Williams Hospital, Lunglei tãnpui nân ₹2,00,000/-, a vaiin ₹9,85,210/- chu Hospital hotute hnênah an hlan.

### SYNOD BOOKROOM

Synod Bookroom, Vaivakâwn Branch chu Vaivakâwn Kohhranin hmun a buatsaihsak, Golden Jubilee Building thar Basement leh Ground Floor-ah ni 17.3.2023 (Zirtâwpni) khân an insuan lût. Synod Bookroom, Vaivakâwn Branch hmun thar hi Vaivakâwn kawng pengthum lai kawngpui ânah a awm a ni.

### PES PRINCIPALS' MEET

March ni 9, 2023 (Ningani) khân Synod Conference Centre-ah Presbyterian English School (PES) Principals' Meet huaihawt a ni a, PES 157 atãngin Principal 104 an tel. HSLC Exam lai a nih avãngin an tel kim thei lo a ni. PES-ah hian tũn academic session-ah hian zirlai 33,522 an awm mêk.

## KOHRAN HMEICHHE INKHAWMPUI LIAN 2023

March ni 10–12, 2023 chhûng khân Kohhran Hmeichhe Inkhawmpui Lian wavi 50-na chu Dãrlâwn GSA Playground-ah Pathian hruainain tluang taka hman a ni a, Dãrlâwn Pastor Bial leh Dãrlâwn Vênglhun Pastor Bialten an thleng a, rorêl palai 894 an kal. Inkhawmpui Lian thupui 'Pathian nêna lên dun' (Mika 6:8) tih chu Speaker Rev. V.L. Luaia Hranleh, Executive Secretary i/c Kohhran Hmeichhiain Pathianni chawhma leh chawhnuhte a sawi. Chhinchhiah chinah, Inkhawmpui Lianah hian mi 10,077 an kal a, lirthei chi hrang hrang – Bus 237, Sumo 349, Car 131 leh Pickup 106 hmangin an kal a ni.

Rorêl tlãngpui hetiang hi a ni:

1. Synod Hospital Charity Fund atân wavi khat inkhawm thawhlawm lâk khawm.
2. Social media-a mawi lo taka hmeichhia inlan thîn lo tũra inzirtĩr.
3. Ram pum huapin hmeichhiaten puan bih uar tũra inzirtĩr.
4. Pathian biak inkhawm uar tũra inzirtĩr.
5. Nula/Tlangvâl leh tleirãwlte enkawlna kawngah ram pum huapa inzirtĩr.
6. Ruihlo leh mipat hmeichhiatna hman sualna laka tu leh fate an fihlĩm theih nân ram pum huapa hma lâk.

Inchhiarna lam – Bial leh kohhran mal zawmtu 216 an awm a, kohhran leh Branch Church 976 an awm bawk. Chhũngkua zawng zawng zât 1,17,455 a ni a. Ni tin chhũng inkhawm nei thei chhũngkua 81,030 (68.83%) leh buhfai tham ziah chhũngkua 1,16,012 (98.54%)

an awm. Kohhran Hmeichhe member 1,92,490 an awm bawk.

Kristian chhũngkaw dinhmun tehnaa 1-na chu N.E. Khawdungsei leh Phainuam Bialte an ni a; chhũngkaw tinin ni tin chhũng inkhawm an nei thei a, chhũngkaw tinin buhfai an tham bawk a ni.



Pi Zothanpâri  
Chairman thar

Kum 2023–2025 chhũnga Central Kohhran Hmeichhe Office Bearer-te chu:

Chairman : Pi Zothanpâri (SEC ruat)  
 Vice Chairman : Dr Lalthansãngi Fanai  
 Gen. Secretary : Pi H. Lalfakmawii (SEC ruat)  
 Asst. Secretary : Pi Lalmuanzuali  
 Treasurer : Pi Zothansiami  
 Fin. Secretary : Pi R. Lalrempuii

Anni bâkah hian committee member 36 leh ex-officio 4 an awm bawk.

## KTP ROREL INKHAWM TLUANG TAKA ZAWH A NI

March ni 3–5, 2023 chhũng khân KTP Rorêl Inkhawm wavi 10-na chu Zêmbabawk Kohhran Biak Inah neih a ni a, rorêl palai in-report 989 an ni. Rorêl Inkhawm tãn zãn hi Palai Lawm leh Report Inkhawma hman a ni a. Upa B. Lalhmunliana, Synod Secretary-in kum 2023–2024 Kum Puan 'Tawngtai tam' tih chu hawngin Pathian hnênah a hlan a; General Secretary report, Finance report leh Bial report khai khawmna ngaihthlãk a ni bawk. March ni 4 (Inrinni) nilêngin Rorêl Inkhawm neih a ni a, Rorêl hi Rev. Dr F. Pachhũnga,

(Phêk 2-naah chhuzawm a ni)

# SYNOD Newsletter

## EDITORIAL STAFF

Rev. Lalbiaknia

Rev. V.L. Luaia Hranleh

Upa K. Lalnginglova

Zohmingliana Colney

# Editorial



## THOLEH NUN

*April thla kan chuangkai a. Hemi thla chhûng hian kohhran ni pawimawh – Tûmkau Ni, Harhna Thlen Ni, Good Friday, Easter Sunday-te kan hmang chho mawlh mawlh dâwn a ni.*

*Hêng hun pawimawhte hi kohhran-hovin kan ngaihlu a, urhsûn takin kan hmang thîn a, a hlutzia hretu apiangin an hmang urhsûn ni pawhin a hriat.*

*Isua kraws thihna nun tawmpuia, mihring hlui thihna atang lo chuan Isua thawhleha nun thar hi a tawmpui theih hauh loh tih hria ila. Isua Krista thawhleha nun thar neitu chuan hlîm takin a nunah Lal Isua chu a chawimawi a. Sual rapthlâkzia leh thihna, chatuan boralna a nih hriain, kraws tuarna kaltlanga ngaihdamna hlutzia hriain Lal Isua a chawimawi lo thei lo thîn a ni. Tholeh nun thar chuan sual kalsana thil tha tiin, Lal Isua a zui a, a nun a inthlâk danglam daih thîn.*

*Kan mihring hlui sualna zawng zawng krawsah thihsanin, Isua Krista thawhleha nun thar tawmpuiin, Krista kan tân a inpêkna leh min chhandam tûra a tuarna avângin i chawimawi ang u. Tholeh nun, sual kalsanna atanga Lal Isua chawimawi hi kan ram mamawh tak pawh a ni e.*

## BIBLE SPELLING BEE ZO

Synod Information Dept (Synfo) leh MSSU tâng kawpin Junior Dept leh Intermediate Dept zirlaite tâna *Bible Spelling Bee* a buatsaih chu March ni 31 zân khân zawh fel a ni. He intihsiakah hian Aizâwl khawpui chhûnga kohhran hrang hrang 61 atangin zirlai 551 (Junior Dept 267 leh Intermediate Dept 284) an tel a ni.

(Phêk 1-na chhuzawmna)

tak hman a ni. March ni 5 (Pathianni) chawhma inkhâwmah Rev. Dr C. Chawngmingliana, Synod Moderator-in Pathian thuchah a sawi a; chawhnu inkhâwmah Rev. Dr K. Lallâwmzuala, Executive Secretary-in Pathian thuchah a sawi a; zân inkhâwmah Rev. Dr F. Pachhûnga, Central KTP Leader-in Pathian thuchah a sawi. Zân inkhâwm banah Fellowship a awm leh baw. Inkhâwm apiangin zaipâwl hrang hrang – Mizoram Synod Choir, Presbyterian Choir, (Lunglei) leh Bial Zaipâwlt an zai baw.

Rorêl tlângpui hetiang hi a ni:

1. YRC pualin KTP zan khat inkhâwm thawhlâwm lâk khâwm.
2. Synod Hospital Charity Fund pualin KTP zan khat inkhâwm thawhlâwm lâk khâwm.
3. YRC puala Bial Budget siam chhun-zawm.
4. Kum 2023 MLA inthlan puala ram pum huap tawngtai rual.
5. Kum 2024–2025 KTP Kum Puan thupui atân ‘Tih takzeta Lalpa rawngbâwl’ tih a ni.

Kum 2025-a KTP Rorêl Inkhâwm chu Chawnpui Kohhran, Aizâwlah ngah a ni.

## PRISON MINISTRY

Ni 5.3.2023 (Pathianni) chawhma leh chawhnuachte Central Jail-ah rawngbâwlin Rev. Lalhmuchhuaka, Director; Rev. H.L. Thianghlima, Campus Ministry Director; Rev. Benjamin Lalrinmawia leh R.D. Lalfakawma-te an kal a. Ni 12.3.2023 khân Rev. Lalhmuchhuaka, Director; Rev. H.L. Thianghlima, Campus Ministry Director leh Pu K. Laldawngliana, Mission Promoter-ten District Jail, Armed Vêngah hun an hmang.

Ni 25&26.3.2023 khân Rev. Lalhmuchhuaka, Director; Pu Lalrempuia, Speaker leh Pu David Lalnunsânga Kâwlni, Counsellor-te Siaha District Jail-ah an kal baw a; Inrinni zân leh Pathianni zânah Siaha khaw chhûnga kohhran hrang hrangah Prison Awareness Campaign an hmang ngah.

## SYNOD PARTNERSHIP COMMITTEE-IN TANPUINA PE

Ni 7.3.2023 khân Synod Partnership Committee leh Mizoram chhûnga rawngbâwlna lama a thawhpui pâwl hrang hrangte Synod Office Devotion Hall-ah an inhu khâwm a, mi 71 an kal. Rev. Dr C. Chawngmingliana, Synod Moderator kaihhruaia inhmuh khawmah hian Mizoram Synod-in para-church a thawhpuite leh pâwl dang rawng-bâwlna kalpuite hnênah tanpuina hlan a ni a. Synod recognise pâwl hrang hrang 14 hnênah ₹4,70,000/- leh Synod recognise ni lo pâwl dang 13 hnênah ₹11,40,000/- hlan a ni.

## SYNOD REVIVAL SPEAKER-TE RIAHCHILH INTUAITHARNA

Synod Revival Speaker-te tâna buatsaih Intuaitharna hun chu March ni 21–24, 2023 chhûng khân Synod Conference Centre, Aizâwlah riak lûta buatsaih a ni a, Revival Speaker-te an kal kim.

Intuaitharnaah hian Revival Speaker-ten an rawngbâwl zêlna tûra pawimawh thupui chi hrang hrang – Pathian thu hriil dân tha, Tûnlai khawvêl leh kohhran, Rawngbâwltu fimkhuma tûrte leh Kohhran humhalh chungchângte zir ho a ni a. Hêng thupuite hi mi thiamten an zirtir a, an sawi ho thîn baw.

Synod Revival Speaker hi 69 (Mipa 67 leh hmeichhia 2) an awm mêk a. Synod Revival Speaker-te puala riak lûta Intuaitharna hi harsatna dang a awm loh chuan kum tin buatsaih thîn a ni.

## MPF LEH POLITICAL PARTY-TE

Ni 28.2.2023 khân Mizoram People Forum (MPF) leh Political Party aiawhten Synod Committee Room-ah thawh hona thuthlung an thlir ho va, MNF, MPCC, PC, ZPM leh BJP aiawhte an tel a ni. Thawh hona thuthlung ruahman chu ngun taka sawi hovin belh ngaite belhin, siam that ngaite an siam tha a. MPF leh Party President theuhten an hming an ziah hnan tûrin thawh hona thuthlung chu pawm a ni. MPF President, Rev. Dr C. Chawngmingliana chuan thawh hona thuthlung chu zaha, rinawm tak leh thahnemngai taka zâwm tlâng tûrin kal khâwmhote a chah baw.

# Râl Vêngtu



## SYNOD HOSPITAL, DURTLÂNG THILPÊK DAWNTE

(February 2023)

Mi thahnem tak hi Râl Vêngtu kiangah an lo kal khâwm a. Mite chuan, "Râl Vêngtu, hei Good Friday kan lo thleng leh dâwn ta a. Good Friday thuchah kan hriat reng tûr min hrilh tûr i nei em?" an ti a. Râl Vêngtu chuan mipui lo kalte chu ngun takin a en a, "E, nei e, chîk taka ka en che u hian in mamawh tak pawh hrilh tûr che u ka nei asin," a ti a. Mite chuan, "Min han hrilh teh. Kan lo ngaitla ang e," an ti a.

Râl Vêngtu chuan, "Hmeichhe naupang kawng bo chanchin ka'n hrilh teh ang che u. Khawpui lian takah hian naupang pakhat, kum 6 mi emaw lek hi a nu leh pate nêan an lêng chhuak a, kawthlêr lûn takah hian an inhloh ta a. Chu naupang chuan a chhûngte chu a zawng chiam a, a hmu tawh si lo. Hawna tûr lam pawh a hre thiam lo va, kawng sirah thuin a tap a tap mai a. Police duty pakhat hian a rawn hmu hlah va, a chanchin a hriat chian hnu chuan naupang chu in chhâwng sang takah a lâwnpui a. Naupang chu a hawi a hawi a. Nakinah chuan, 'Sawtah sawn kan in a awm,' a ti ta a. Police chuan naupang chu a kawhna lamah chuan a kalpui a. Nakinah chuan naupang chuan, 'Sawta saw kan in chu,' a ti a. Police chuan, an awmna vêng hming pawh hre si lo, engtin nge an in awmna chu a hriat theih tih a zâwt a. Naupang chuan an in piaha Biak In chhîpa kraws chu kâwkin, 'Khitah khian ka chhinchhiah alâwm,' a ti ta a.

"Nangni pawh kraws chhinchhiahna hi in nunah vawng tlat rawh u. Khawvêl thilath tlânin, nun kawng bova in awm pawhin kraws lamah kîr zêl ula, damloh leh harsat manganna in tawh pawhin kraws kiangah kîr zêl ula, chawlhna in hmu ang. Kraws chhinchhiahna hmu tûr awm lo khawpin khawvêlah tlân suh u. Chu chu Good Friday thuchah chu a ni e," tiin a hrilh ta a.

"Râl Vêngtu, i thusawi chu vawn tlat kan lo tum ang e," tiin mite chu lâwm takin an tîn darh ta a.

### I. CHARITY FUND

1. Pi Lalthanveli	Staff Nurse, Synod Hospital	₹4,526
2. Pu ZD Lalawmpuia, Lunglei Theiri		₹1,000
3. Upa H. Lalrinawma & Fly, Ramhlun N		₹10,000
4. Pu Zodinliana, Mission Vêng		₹2,000
5. Rev. B. Ropianga te chhûng	Durtlâng Mual Vêng	₹10,000
6. KTP, Chhingchhîp Pastor Bial		₹5,000
7. Madanring Pastor Bial Kohhran	Hmeichhia	₹5,000
8. UPC (NEI), Zêrabâwk, Aizâwl		₹4,000
9. Lungdai Hmâr Vêng Kohhran		₹6,000
10. Lungdai Kohhran		₹10,000
11. Model Vêng Kohhran		₹27,190
12. Rhino Youth Club, Aizâwl		₹20,000
13. KTP, East Phailêng Pastor Bial		₹4,820
14. Kâwkuh Bial Kohhran Hmeichhia		₹7,000
15. Fraser Media Publication		₹10,000
<b>Belh khâwm</b>		<b>₹1,26,536</b>

### II. THISEN PETUTE

	<b>Unit zât</b>	
1. KTP, Zuangtui Pastor Bial		40
2. KTP, Phunchawng Branch		20
3. KTP, Bûngkâwn Pastor Bial		82

### III. THIL DANG PETUTE

1. Pu Eric V.L. Romawia, Khatla, Aizâwl – A nupui, Pi J. Lalremsiami (Transplant) damdawi hman bâng thahnem tak (Rs. 15,000 man hu)
2. Pu Hmingthanzama, Tlangnuam, Aizâwl – Mitthi khuhna puan 4
3. Ramhlun North Kohhran Hmeichhia – Nau neihnaa nau veite sin tûr blanket 10
4. KTP, Dinthar Branch (An kum 69-na pualin) – Plastic Chair 25

**LAWM THU SAWINA :** Hospital mamawh chi hrang hrang – sum leh pai te, thisen te leh thilpêk dang min petu zawng chungah kan Lalpa Isua Krista hmingin lâwm thu kan sawi e. Pathian malsâwmna a lét tam takin lo dawng theuh ang che u. Tin, thilpêk pe duh kan awm chuan hospital hotute phone number kan rawn târ lanah hian biak theih reng a ni e. Chûngte chu: Director – 94361 54365 leh Nursing Superintendent – 87298 58633.

Rev. R. Lalvulluaia  
Chaplain, Synod Hospital, Durtlâng

**Synod Social Front:** Ni 14.3.2023 chawhma khân Political Education Campaigner-te an inhmu khâwm a, mi 40 an kal. Hemi hunah hian chêt lâk dân tûr chi hrang hrang sawi ho a ni. Hemi ni vêk chawhnu dâr 3 khân ramngaw, nungcha leh tuihna humhalh chung-chânga hma lak dân tûr sawi hovin thut khawm a ni bawk a. Hetah hian Rev. V.L. Luaia Hranleh, Executive Secretary; Upa H. Lalhmingmawia, Co-ordinator; Rev. Dr. Lâwmsânga, Committee member; Upa C. Lalduhawma (Pollution Dept.) leh Er Duhkima (PHED)-te an tel.

Tin, ni 16.3.2023 khân Corruption do leh a kaihnawih chung-chânga hma lâk dân tûr sawi ho a ni a. Hemi hunah hian Upa H. Lalhmingmawia, Co-ordinator; Rev. Lalrinmawia, Upa R. Zirrokûnga, Upa Kailiana Râlte (Committee Member vek)-te bâkah Pu Lalsâwta (IAS Rtd) leh Pu Dingngheta (ACB)-te an tel.

**MSSU:** Sunday School zirtu training pein ni 4.3.2023 khân kohhran hrang hrangah hetiang hian chhuah a ni: Bûngkâwn High School Vêng Kohhranah Trainer-te – Upa Lalrosânga Kâwlni, Upa S. Kâpzhathanga leh Upa B. Hmingthanruala; Tuikhuahtlâng

Kohhranah Ni. Agnes Lalrinzuali, Asst. Coordinator leh Trainer-te – Upa V. Lalrindika leh Upa C. Lalbiaksânga; Delhi Mizo Presbyterian Church-ah Pu Lalhmunzauva Tlau, Asst. Co-ordinator leh Upa Lalthanchhûnga, Trainer.

Ni 18.3.2023 (Inrinni) khân *Chanmari West Hmâr Vêng Kohhranah* Trainer-te – Upa B. Lalhmunliana, Upa Zohmangaiha leh Upa R. Vanlalhrauaia-te an kal a; *Armed Vêng Kohhranah* Trainer-te – Upa K. Zorem-sânga, Upa Lalsiammawia Pachuau leh T.Upa Laltanpuia-te an kal a; *Bâwngkâwn Hmâr Vêng Kohhranah* Trainer-te – Upa Hrilthansânga, Upa Zionpârlâwma leh Upa Saihmingthanga Sailote an kal baw. Tin, ni 24.3.2023 (Zirtâwpni) zân khân *Armed Veng East Kohhranah* Sunday School Trainer-te – Upa S. Kâpzhathanga leh Upa K. Zoremsânga-te an kal a. Ni 25.3.2023 (Inrinni)-ah *Khuanglêng South Bialah* Trainer-te – Rev. Dr B. Lalnunzira, Upa K. Vânlalngâka leh Upa C. Lalrinmawia-te an kal baw.

**Synod Trust:** Ni 15.3.2023 (Nilaini) khân Dârlâwnah Kohhran Hmeichhe Inkhâwm-pui Lian neihna pandal senghawi enpuiin Pu Lalramênga Royte, JE leh Pu Lalhriatrenga, JE-te an kal.



## BIAK IN THAR HAWNG

Kâwnpui Chhim Vêng Kohhran Biak In thar chu ni 18.3.2023 khân Rev. K. Lalêngmawia, Sêrlui Presbytery Moderator-in a hawng a, tlai lamah a lawmna ruai an kîl ho nghâl. Kâwnpui Chhim Vêng Kohhran hi kum 1913-a ding òn a ni a, kum 2013 khan Pastor òhthmun a ni. Tûnah hian chhûngkua 295, dânzawhkim 893 leh member 1,291 an awm.

## KOHRAN KUM 100 TLIN LAWM

Vânzau Kohhran chuan March ni 23–26, 2023 chhûng khân hlim takin an kohhran kum 100 tlin an lâwm.

## KOHRAN KUM 125-NA LAWM

Ni 15.2.2023 kha Mission Vêng Kohhran din champhaphâk vawi 125-na a ni a, ni 15–19.2.2023 chhûng khân a lawmna hun an hmang. A lawmna chi khat atân home hrang hrang – Thutak Nunpuitu Team (TNT), Tawngtai Bethel Camping Centre (T̄BCC), Agape, Shalom leh PWNM-ahte ònpuina chêng nuai sâwm semin *Luan Chhuah Programme* an hmang a ni.

## HRIAT'TIRNA

A hnuai account târ lante hi Kraws Lian Donation pêk theihna a ni e:

1. A/c hming : MPC Synod
2. Account No. : 39575430134
3. Bank : SBI
4. IFSC Code : SBINOO17399

*emaw,*

1. A/c hming : Mizoram Kraws Lian
2. Account No. : 97013510847
3. Bank : MRB
4. IFSC Code : SBINOORRMIGB

*emawah.*

## RAWNGBAWL HNA RUAK DIL THEIH

Mizoram Presbyterian Kohhran hnuai a hnuai târ lan rawngbawl hna hrang hrang hi a ruak a. Presbyterian Kohhran mi, kum 18–35 inkâr, ni 19.4.2023-a kum 18 tling, kum 35 la pumhlûm lo, zûk leh hmuama fihlîm tân dil theih a ni. Dilna Form leh Tualchhûng Kohhran Confidential Report Form hi Synod Office (Aizâwl leh Lunglei) aţangin ni 13.3.2023 (Thawhţanni) aţangin lâk chhuah theih a ni ang. Dilna hi Synod Service Board, Synod Office, Aizâwlah theh luh tûr a ni a, dilna form man ₹20/- a ni. Dilna Form-ah hriat tûr pawimawh târ lan a ni.

### 1. SIKULPUIA THAWK TUR

- Hna hming : **Teacher (Contract) – Post 4**  
 Thiamna : Trained Graduate D.El.Ed. of any recognised university with Mizoram Teacher Eligibility Test (MTET)  
 Hlawh : Synod hnuai Trained Graduate contract-te hlawh

### 2. SYNOD HOSPITAL, DURTLANGA THAWK TUR

- Hna hming : **X-Ray Technician (Contract) – Post 1**  
 Thiamna : Diploma in Medical Radiation Technology from recognised institute  
 Hlawh : Synod hnuai Lab. Technician contract-te hlawh

### 3. JOHN WILLIAMS' HOSPITAL, LUNGLEIA THAWK TUR

- Hna hming : **Medical Officer (Regular) – Post 1**  
 Thiamna : MBBS of any recognised university  
 Hlawh : Synod hnuai Medical Officer-te hlawh

### 4. SYNOD HOSPITAL, DURTLANGA THAWK TUR

- Hna hming : **Medical Officer (Regular) – Post 5**  
 Thiamna : MBBS of any recognised university  
 Hlawh : Synod hnuai Medical Officer-te hlawh

### 5. SYNOD OFFICE, AIZAWLA THAWK TUR

- Hna hming : **Archivist (Contract) – Post 1**  
 Thiamna : Graduate of any recognised university preferably with theological degree recognised by Senate of Serampore College (University)  
 Hlawh : Synod hnuai Graduate contract hlawh

### 6. MIZORAM CHRISTIAN COLLEGE-A THAWK TUR

- Hna hming : **Asst. Professor (Commerce) (Contract) – Post 1**  
 Thiamna : UGC Norms 2018-in a sawi ang thiamna nei tân  
 Hlawh : Synod hnuai Asst. Professor contract-te hlawh

### 7. P.C. GIRLS' SCHOOL-A THAWK TUR

- Hna hming : **Teacher (Contract) – Post 1**  
 Thiamna : Trained Graduate D.El.Ed. of any recognised university with Mizoram Teacher Eligibility Test (MTET)  
 Hlawh : Synod hnuai Trained Graduate contract-te hlawh

- Dîl theih hun chhûng : Ni 13.4.2023 (Nilaini) dâr 2:00 p.m. thleng  
 Screening Test/Exam : Ni 15.4.2023 (Inrinni) dâr 10:00 a.m.  
 Interview : Ni 19.4.2023 (Nilaini) dâr 10.30 a.m.

Sd/-  
 (REV. C. ZORAMMAWIA)  
 Secretary  
 Synod Service Board